



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 186. De Bodonis traditione in Lystungen in pago Himmerfeldun.

urn:nbn:de:hbz:466:1-36114

Commemoratio traditionis quam tradidit Bodo in *lystungen* (H) quid
 quid gubernante
Corbeiam
Adalgario.

Otto, Paderbornensis episcopus, cuius hic exhibuimus sigillum, comes erat de Ritberg, testantibus litteris eiusdem ad annum 1297, quod ipsum et eius approbat contra sigillum, in quo aquila Ritbergica conspicitur. Errat igitur Cyr. Spangenberg in *Adel-Spiegel* T. II. f. 317. perhibens, in signe Ritbergenium comitum fuisse leonem aureum sine corona in campo rubro. Cum autem *Otto* episcopus *Otonem* comitem de Rauensberg appelleret suum affinem, sequitur eo ipso, *Hadwigam* uxorem dicti *Otonis* fuisse natam comitissam de Ritberg, et *Conradi* episcopi Osnabrugensis sororem, quippe qui in aliis litteris ad annum 1279 frater appellatur episcopi Paderbornensis *Otonis*.

Idem Paderbornensis episcopus *Otto* testatur anno 1292, *Henricum de Homborg* auunculum suum ex *Gisela* sorore sua tum defuncta natum litem mouisse *Amelungenbornensibus* monachis super possessione curiæ *Dickhof*, et ei renunciaffe suo monitu una cum fratre *Bodone*. Testes erant comes *Otto de Buren* consanguineus episcopi, dominus *Stephanus de Valckenberg*, *Albertus senior de Amelungessen*, *Rauno de Papenbem* miles. Datum in oppido eius *Saltcoten* anno 1292, in die *Tiburtii et Valeriani* martyrum.

Anno 1296 consensit *Henricus de Homborg* donande curiæ *Dickhof* cum molendino adiacenti, a patre *Iohanne* donatis cum nobilio *Amelungenbornensi*. Testes erant comes *Hermannus de Woldenberge* socer *Henrici*, patruus *Bodo de Homborg*, *Henricus de Lutbardeffen*, miles, *Conradus de Lutbardeffen*, *Arnoldus de Hauerfuorde*, *Bruno de Rodenberge*, *Ernestus de Emmeren*, *Iohannes de Rode*, *Hermannus Bock*, famuli, frater *Iohannes de Rivo*. Datum IV. kal. septembris.

Posthæc *Otto* Rauensbergicus comes cum *Frederico* decano *Bileueldensi* atque aliis protestatur, *Bodonem* filium *Iohannis* nobilis domini de *Homborg* contulisse monasterio *Amelungenbornensi* curiam eandem, dictam *Dickhof*, una cum molendino per litteras sequentes, quas e membrana adiungere iuuabit:

Nos *Otto* comes de *Rauensberge*, *Frederico* decano ecclie scē marie *Bileueldensis* iudex et consules opidi dicti *Bileueldensis*, uniuersis ad quos presens scriptum puenit, notū facim⁹ euidenter in his scriptis, protestantes, quod *Bodo* fili⁹ *Iohannis* nobilis viri de *Homborg* induct⁹ precib⁹ uenerabilis patris ac dñi nri *Otonis* Paderburnensis ep̄i ac aliorum suorum amicorum curiam quandam dictam *dickhof* una cum quodam suo molendino cum proprietate et libertate et omni iure ecclie scē marie et conuentui in *Amelungenborne* contulit liberaliter et corā nobis resignauit pro salute *Gisle* bte memorie sue matris promittens se donationem huiusmodi sicuti pater ipsius p̄dict⁹ ipsā fecerat ratā et gratā ppetuo habiturum nihilq⁹ iuris sibi in curia ante dēā et omnib⁹ eidem atinentib⁹ penit⁹ reseruauit. Acta sunt hec coram iudicio presentib⁹ dño *henrico Top* et *Reinberto de Busche* militibus, *Bernbarde* et *Euerbarde* fratrib⁹ dictis *Top*, *Bernbarde* dicto *Valcke* famulis, *Eberto* dicto *Swarte* tunc temporis existente iudice in *Bileuelde* atque aliis, datum anno M. CC. LXXXVI. feria secunda post *Nicomedis* martyris.

(H) *Lystungen* villa in nostro Registro posita reperitur in pago *Himmerfeldum*, qui De villa olim existit in præfectura *Zierenberg* in *Hassia* Landgrauatu, et contiguus fuit *Lystungo* Saxonico *Hessi*, ut iam supra uidimus. Est autem villa *Lystungen* vicus *gen. Listingen* in præfectura *Zierenberg*, videturque *Bodo*, qui, quidquid in eadem villa habuit, abbatiæ nostræ tradidit, ad familiam *Ebertinam* spectasse, licet connexionem illius cum eadem gente accurate ostendere nequeamus. Si enim *Bodo* idem est dominus, qui infra §. 242. quatuor mansos donat in villis *Medriki* et *Huxori*, quarum altera in pago *Hessi*, altera vero in *Auga* erat, probabilissimum erit, *Bodonem* nostrum ad stemma *Brunonianum* pertinuisse. Cum vero inter coheredes ducis *Ostfalorum* *Hessi* non inueniatur *Bodo* iste, is *Brunonis*

Ab anno 854 vsque 877 regnante Hludouico et quid ibi habuit ad reliquias sc̄orum martyrum stephani atque uiti testes hrannuard fidag dendi tiadmer uigmer et alii XVII.

Ab anno 854 vsque 877 regnante Hludouico et

§. 187.

Tradidit merefuit et filia eius siburg in *osdageshusen* (I) quidquid habuerunt testes isger *billing* (K) buni adaldach et alii XV.

§. 188.

Tradidit *fritheric* in *derlingi* (L) in uilla *lauuingi* colonum unum testes had uolebertus abbo odo et alii tres.

§. 189.

nonis ducis nepos ex fratre fuisse uidetur. Hæc autem obseruatio facit ad confirmandam sententiam nostram, quam supra §. 106. de *Bodikone*, *Saxonum rege*, protulimus. Cum enim *Bodo* et *Bodiko* unum idemque nomen sit, quod nemo facile negabit, *Bodiko*, *dux Saxonum*, plane effectus esse non uidetur. Inter progenitores Brunonis ac *Widekindi* ducum potius existisse eum, verissimum erit, quia olim illustribus familiis in maximis erat deliciis, et id curæ erat, ut nomina progenitorum suorum omni modo conseruarent. Obseruatum dignum præterea esse putamus, quod in *Vita Meinweri* episcopi Paderb. T. I. S. R. B. Leibn. p. 535. ille, qui mansum unum in *marca Lifsungun* cum omnibus rebus ad eum attinentibus circa annum 1020 ecclesiæ dedit Paderbornensi, *Æthelhardus* appellatur. Quemadmodum vero *marca* illa *Lifsungun* in regione uillæ nostræ *Lifsungen* existisse uidetur, quippe quæ terminus Angariæ occidentalis in eadem regione esse potuit: ita *Æthelhardus* ille uidetur fortasse nostri *Bodonis* pronepos esse. Id probabiliter facit ad corroborandam nostram coniecturam. Auguramur enim, fuisse inter progenitores Brunonis ducis ducem quandam Saxonum *Æthelhardum*, de quo egimus supra §. 161. Quamuis enim facile demus, hoc tantum niti coniectura nostra, indicandum tamen esse illud, arbitrari sumus, sperantes, doctis quibusdam id coniecturæ non ingratum fore, ac tempore futuro documenta quædam in lucem proditura esse, quibus hæc ipsa coniectura in maiorem lucem euehatur.

De uilla Osdageshusen.

(I) *Osdageshus* uilla erat, testante nostro Registro, in pago *Suilbergi*. In membranæ aliis scribitur eadem modo *Osdageshusen*, modo *Odeshus*, modo *Odesen*, et tandem *Odassen*. Reperitur uilla isthæc hodie in ducatu Grubenhagenensi sub præfectura *Rotenkirchen*. Ipsa uero olim erat pars comitatus *Dasseliensis*, in quo pagum *Suilbergi* existisse, iam supra §. 167. demonstrauimus. *Merefuit* igitur eiusque filia *Siburg* *Northeimensibus* seu *Dasseliensibus* comitibus, quorum una eademque origo fuit, annumerandæ uidentur. Fuisse autem *Meresuitam* stirpis *Brunonianæ*, in nostra *Historia Corbeiensi* e quadam membrana, quam olim e manibus bibliopecti *Pilgers* in urbe *Huxaria* extorsimus, probabilissimum reddemus; e qua apparebit, *Luitbardum*, episcopum *Paderbornensem* tertium, qui *Badurado* e uita mortalium sublato anno 860 successit, fuisse huius *Meresuitæ* filium. Hic *Luitbardus* cum sorore sua *Waldburg* splendendum *Herisense* uirginum sacrarum monasterium in episcopatu *Paderbornensi* condidit, atque e bonis paternis dotauit. Vnde colligi poterit, cuiusnam fuerit familiæ illa *Dei ancilla* in eodem monasterio *Herisi* constituta, quæ episcopi *Luitbarði neptis* appellatur, et ad quam *Rimbertus* monachus *Corbeiensis* et archiepiscopus *Hamburgensis* epistolam, bonæ frugis plenam, scripsit, quæ existat in *Vita Rimberti* p. m. 747 seqq.

De Billingio.

(K) *Billing* an filius *Bennithi* comitis, et nepos *Amalungi*, fatis familiæ ducalis *Billingianæ*, fuerit, dilquirant alii.

De origine familiarum Sommerfchenburgicæ, Supplinburgicæ, Walbecensis atque Anhaltinæ.

(L) *Pagum Derlingi* existisse in ducatu *Brunswicensi*, et quidem in præfecturis *Campan*, *Königslutter*, *Supplinburg*, *Schöningen*, *Hessen* et *Wolffenbuttel*, iam supra §. 15. indicauius. Eadem in regione, et quidem inter *Born*, *Rotenkampe* atque *Vhri* uicos, et oppidum *Königslutter*, inuenitur uicus *Lauingen*, quem per *Lauuingi* uillam designari rectissime statuitur. Colonus autem, quem tradidit *fritheric* cum aliis bonis *Corbeiensibus*, in pago *Derlingi* olim conspicuus, anno 888 *Otoni* comiti, patri *Heinrici* auepiscopi, aduocato abbatiæ nostræ, a *Bouone* abbate traditus est, testante autographo diplomate serenissimi regis *Arnolfi*